

65
A Manlio Brigaglia

Culpa no decu dà a la giuria ,
chi poca folza mi sent'in paltensa,
e un verdettu fora di coscienza
eu pal primu lu criticaria;
lu giustu è chi lu premiu si dia
a lu oh'è meddu cum giusta sintenzia.
Però si mi ni spetta, ammentatinni
chi midaddi no veddu a mandammimi.

Mandami meddu, si t'è cunsintitu,
una piccinna bedda d'Osieri.
No ti sarà lu compitu liceri,
chi in programma no è inseritu,
na chissu è lu me premiu graditu,
l'unica cosa c'aggiu in disideri;
e si pal casu pussibili t'è,
la oh'è più bedda lassala pal me.

Osieri m'è caru e sempri in menti
l'aggiu sculpitu e tantu l'aggiu in cori.
So li femini beddi che fiori,
chi più li miri e più so attrasenti,
so che li rosi di beddi culori,
tutti di luci pura risplendenti.
M'ani datu l'incantu e tilla giuru
c'una o milla gadagnu o milla furu.

2

Altu premiu mi chi non n'aspettu,
cilca pal tantu di trattami bé.
Mi no si'angiana come no,
palohi saria di fassi un dispettu.
Sidd'è ansiana tenila pal te,
tantu si tu la mandì no l'accettu.
A ne mi mandì una bedda steddona,
sispatic'h'e ben fatta di passona.

E dilli a la giuria di scusà,
siddu mi nocu mali cumpàtatu:
si nocu in Ogieri immasuratu,
di piddacilla rascioni no v'ha.
In Saldigna, lu sa ca c'è istatu,
chi piccinni scadenti no ci n'ha,
chi li femini saldi in generali
so sispaticchi e beddi tutt'uguali.

Fideli L'Olcu

A un direttore di giornali (La Libecciana Gallurese)

Siddu voi arrià in poltu sanu,
tu chi polti la balca, statt'accoltu,
no se mancu staccatu da lu poltu
ch'in cuntrestu mi parini li enti.
A la guida toia intelligenti,
a la bravura di li marinai,
affidat'è la balca casu mai
si mustressi lu mari minacciosu.
Cantu più t'è lu mari insidiosu
alta dei tinè la to bandera,
a affruntanni di dugna manera
si tu voi lu scopu raggiungi.
Pa pudè di li frutti riguddi
prima bisogna o'aggi siminatu,
chi nudda enj senz'esse sudatu
massim'a noi chi semu in Gaddura.
Da la bravura di lu capitane
dipendi l'arrià la balca in poltu,
ma si voi arrià in poltu sanu,
tu chi polti la balca statt'accoltu.

Fideli L'Olcu

Un invitu

Pal cummisci li Saldi, o furisteri,
la meddu cosa è chi vèng'h'in Gaddura,
vidè cu l'occhi toi è ministeri
com'è l'indoli nostra pal natura.

Vintu lu sensu c'hai di paura
torryaristi tfa noi vulinteri;
no t'escludu chi terri addirittura
in mesu noi pal piddà mudderu.

Mancu di chissu saristi dolenti,
c'a spusassi in Saldigna si gadagna;
ch'è la saldà modesta e viltuosa.

Si tu veni in Gaddura teni a menti,
si pal casu no l'hai la cumpagna,
ci dummandi una salda par'isposa.

Fideli L'Ortu